

مکتبہ انجیل

ادبی و سیاسی رسالہ اسبوعیہ در

۳۰ نجی سنہ



۱۷ رجب الفرد ۱۳۲۹

پنجشنبہ

جزو عدد : ۱۰۴

ایران مکتوبلری ۱

برنجی مکتوب : یوسف کامل پاشایه

۱۱ ربیع الاول سنه ۱۲۹۰

طهرانه موصلت ایدلی برماهی متجاوز ایسهده گاه دفع مشاق سفر و کاه
تهیه اسباب حضر غوائی شمعی به قدر تقدیم عرضیه مساعد اوله میوب ، بوندن
زیاده تأخیری دخی شیئه عبودیمه ناچسبان اولدیغندن ، ایقای وظیفه خصوصیت
مبادرت ایدرم .

صفر سندن بری و بلکه شیرمادرله برابر تلقی ایتمش اولدیغ افکاره نظر آ
ایران ممالکنک هرکوشه سی برخلد برین و هرکاشانه سی برنکار خانه چین اعتقادنده
ایدم . بومناسبتله همان کافه سی رز دوز عجم اوله رق ، برابر گتوردیگم کالای خوشمای
اوهام و خیالات ، بوسیا حتم ائناسنده کلیاً تاراج کرده دست برروز محسوسات
اولدی . صد حیف که هرزرسنده بقیه آثار سلف اوله رق برتالی بنا کورلسه :

« بوم نوبت میزند در تارم افراسیاب »

مصراع مشهوری البته زیور کتابه الوانی و :

« از نقش و نیکار درد یوار شکسته »

آثار بدید است صناید عجم را »

یقتی ، انگشت بردهان حیرت اولان سیرجیلرینک ورد زبانیدر .

۱۱ منیف پاشا مرحوم ایلاک دفعه کی طهران سقارتندن یازمش اولدینی برسلسله
محرراندن برنجی مکتوبدرکه نمونه اوله رق مجموعه مزه درج ایدلی .

ایشته آثار سلف خرابیده آشیانه بومدن نشانه ایسه ، ابنیه اخلاف دخی من حیث التركيب قمر لائق یوم سنی آندیرر .

هیچ بر وقته یولارینک هیئت اصلیه سی اخلاص اولمق تجویز اولنمیش اولمقله ، سو قاقده کنز بلدیکی وقت جهات اربعه نك اوچی طوبراقدن عبارت کوریلور . واقعا مبدأ و معادمن طوپراق ایسه ده بر قاق گونلك عمر عربی دخی بویه خاك سیاه ایچنده تباه ایتک طوغریسی روا دکلدیر . شو حاله نظرآ ایرانده شد تلجیه یاغموور بر شهری تخریبه کافی اولدینی کی ، بر طولومه چی بلوکی دخی الك متین سورینی زیروزر ایده بیلور . سار جهته ثروت و مهورتی دخی بونسته در .

خلاصه شمیدیکی حاله ایران ، ویران وزن و معناسنده اوله رق ، پیش نظر ولی التملکینه غایت مزعج و مکدر بر لوحه عرضندن احترازآ بوندن زیاده تسوید حقیقه بیانه جسارت ایده مدم .

تبریزده میرزا سنکلاخ و (قزوین) ده ایلیانی و طهرانده صدر اعظم حسین خان حضرتلریله ۱) ملاقی اولدم . سنکلاخ ، کندی افاده سننه گوره سنی یوزی تجاوز ایتمش ایکن همان ینه اسکی حال و هیئتده اوله رق دیشلری دخی صاغلامدر . وینه اولکی کبی کال طمطراق ایله اشعار اوقبور . بوراده دخی

۱) سنکلاخ ایران متأخرین شعرا سندن اوله رق بروقتلر استانبوله کلش وظریف ونادره سنخ بر ذات اولغله زمانک ظرفای و زراسیله سنه لرجه هم بزم اولمش ایدی . ایلیانی ایسه ایران شهزاده لرندن اوله رق ناصر الدین شاهک عقوبت سیاسیه سندن تخلص کریبان ایچون سلطنت سنیه به التجا ایلش و مستوفی عاشرله سایه عاطفت سنیه ده بکرمی سنه قدر مرصفاً اصرار اوقات ایتشیدی . خوش صحبت ، بدیه گو ، سطرچ اوپونده مهارت ایله مشهور اوله رق اکثر اوقاتی یوسف کامل و سایی پاشا مرحوم ملک دائره لرده کچردی . مؤخرأ سلطان عبدالعزیز خانک ناصر الدین شاهه واقع اولان التماسی اوزیرینه حمایت ملوکانه ده اوله رق ایرانه عودت ایتمش و اوراده مظهر اعزاز اولشدیر .

حسین خان ایسه یک چوق زمان درسعادت ایران سفارتنده بولمش بر ذاتدرکه افراط فطانتیله مشهور و وزرای سلطنت سنیه نژدنده مرغوب و محترم ایدی . کامل پاشا مرحوم :

« یوکلنوب مسئله مشغله قازلی گونی
گلور امانه گلور عربده جویان کلور »

لغاطبع

یتنی بو حسین خان حقنده سولشدیر .

کوشهٔ انزواده لانه‌ساز و اوج استغفاده بال کشای پروازدر . مع مافیه مقابلهٔ زیارت
چا کرانه‌مه تنزل ایلشدر .

ایطانی ، تا (زنجان) دن تلغراف ایله چا کرلرینی دعوت و بش آلتی ساعتک
مسافیه آدمیر و هدیه ارسالیله استقبال ایدرک بر آقشام سراینده مسافر اولدق .
مکمل برضیافت ترتیبیله سازنده لر ورقاص لر جلب ایلدی .

طرف عالی آصفانه لرندن التفاتنامه کتورمدیکم جهتله مکدر اولمش ایسه ده
سلام مکارم اتسام دنلوازیلرندن متسلی و نمون اوله رق ، اواقشام ، ذات معالی .
سمات داورانه لرله استانبولده منتسب اولدینی دیگر بعض ذوات کرامک اذکار
جمله و اوصاف جلیله لرله وقت یکچورلدی .

قزوینه گیره جکمز کون یوله رفقادرن بریسنه دیمش ایدم که : عجا ایطانی
بزه نه اکرام ایدر ؟ یلغزده اولان الفت قدیمیه نظر آ البته بزه زیر دستانی حقنده
مبذول اولان چوپدن یدیرمیوب بلکه آنک محصولی یدیرر !

بونى کندوسنه نقل ایدم ، مگر اؤگون بزم ورودمزدن مقدم ایکی آدم
دوگمش و بونلردن براز پاره آلمش ایش ! بو حاله مطلع اولدیغه ذاهب اوله رق :
« نه پاهیم ؟ حریفلر پک بیوک قباحث ایشلمش ایدی . » دیو اعتذاره باشلادی ؛
و بو کیفیت خلیجه موجب لطیفه اولدی .

قزوین ، ایرانک ساریرلرندن زیاده خراب ایسه ده ایطانیکنک اقامت ایلدیکی
حکومت قوناغی (صفوی) لر زماننده قالمه غایت وسیع و اولدقجه منتظم محل اقلوب
بزه هر طرفنی سیر ایتدیردی . و آتلینی ، شاهینلرینی و تازیلرینی دخی گوستردی .
و انه جوق پاره یکچور ایسه ده حرم و سلاملقده یوز اوتوز قدر غلبه لانی اولدیغندن ،
هپسنى خرج ایتمکه مجبور اولدیغنی سوبلدی .

آقشام اوستی اسکی اصول اوزره سراینک قیوسنده نوبت چالندی . بو عریضه
پک مطول اولدیغندن تصدیع سرعایلرندن اجتناباً بو قدرله اکتفا و هر حاله حق
کترانه مده حسن توجهات علیه ریاست پناهیلرینی استبقا ایدرم

طاهر منیف

